

卷之三

欽定春秋左傳讀本卷五

僖元年盡十五年

左

僖公

名申莊公子母成風諡法小心畏忌曰僖



經元年春王正月齊師宋師曹伯次于鼐

女輒切北救邢夏六月邢遷于夷儀齊師

宋師曹師城邢秋七月戊辰夫人姜氏薨

于夷齊人以歸楚人伐鄭八月公會齊

侯宋公鄭伯曹伯邾人于櫟勅呈切九月公

敗邾師于偃冬十月壬午公子友帥師敗

莒師于鄆力知切獲莒挈女居切又十有二

月丁巳夫人氏之喪至自齊

傳元年春不稱即位公出故也公出復入不書諱之也諱國惡禮也

國亂身出復入故即位之禮有闕諱隱也義存君親故曰禮國惡謂先因亂而出

諸侯救邢邢人潰出奔師師遂逐狄人具邢器用而遷之師無私焉

奔師奔聶北之師也聶北今聊城地邢人潰而出棄其家器用諸侯之師具求還之師人無所私取

夏邢遷于夷儀諸侯城之救患也凡侯伯救

患分災討罪禮也

分災謂分穀帛與被災禍之國

秋楚人伐鄭鄭即齊故也盟于犂謀救鄭也

犂即經之榿宋地今淮甯縣西荆自是改號楚

九月公敗邾師于偃虛丘之戍將歸者也

服虔云虛邱魯地魯有亂邾使兵戍虛邱邾魯無怨但以其戍將休還要而敗之杜預云虛邱邾地邾人既送哀姜還齊人殺之因戍虛邱欲以侵魯今將歸故要而敗之偃在今費縣南虛邱亦當近之

冬莒人來求賂公子友敗諸鄆切力知獲莒子

之弟挈女居切又女加切非卿也嘉獲之也公賜季

友汶音問陽之田及費音祕

酈魯地挈邾子母弟求賂謂還慶父之賂其求無厭故敗之汶陽之田謂汶水北之田費在今費縣與魚臺別

夫人氏之喪至自齊君子以齊人之殺哀姜也為已甚矣女子從人者也

君子之言蓋以魯為備禮則齊殺之為多事故曰已甚然哀姜實有可殺之罪也

經二年春王正月城楚丘夏五月辛巳葬

我小君哀姜無傳倍請哀姜之喪已非矣以小君葬之更不可也虞

師晉師滅下陽秋九月齊侯宋公江人黃

人盟于貫貫又作貫音世冬十月不雨楚人侵

鄭

傳二年春諸侯城楚丘而封衛焉不書所會後也

楚邱不繫衛者城而後遷也國滅而復興故曰封後者諸侯會時魯後至

晉荀息請以屈求勿切產之乘去聲與垂棘之璧

假道於虞以伐虢公曰是吾寶也對曰若得道於虞猶外府也公曰宮之奇存焉對曰宮

之奇之為人也。懦

乃賀切

而不能強

上聲

諫且少

去聲

上聲

於君君暱之。雖諫將不聽。乃使荀息

假道於虞曰：冀為不道，入自顛軫。

音零

伐鄭

音冥

三門。冀之既病，則亦唯君故。今虢為不道，保

於逆旅，以侵敝邑之南鄙。敢請假道以請罪

于虢。虞公許之。且請先伐虢。宮之奇諫不聽。

遂起師。夏，晉里克、荀息帥師會虞師伐虢，滅

下陽。先書虞，賄故也。

虞在晉南。虢在虞南。屈地產良馬。今石樓縣垂棘地生美玉。今無考。冀國今河津縣。

顛軫，坂名。今平陸縣東北七十里。鄭，虞邑。

今平陸縣地。下陽，虢邑。亦在今平陸。穀梁

作夏陽。荀息，晉大夫。荀叔，其後為荀氏。知

氏，中行氏。宮之奇，虞忠臣。性懦而自幼育

於君所。君素親狎之。或忽其言。晉之辭曰：

昔冀嘗伐虞。虞能報之，使冀病。今虢嘗遣

人分依逆旅客舍，以侵晉之南鄙。晉亦欲

報之。故假道于虞。其實晉南鄙可至虢。不

須由虞也。由虞欲兼取虞也。虞貪賂不悟。

許假道。且請先伐虢。因從晉滅虢。之下陽。

秋盟于貫，服江黃也。

貫國，今曹縣西南地。貫又作貫。貫，貫字。相似。江國，今息縣地。黃國，今光州地。

齊寺人貂始漏師于多魚。

寺人，內奄官。多魚，地名。闕，貂擅寵，漏泄桓公軍事。桓公蓋知之，猶用貂致亂。傳言始

同治八年謹遵

三專賣本卷五 僖公

四

者就寺人言之寺人不豫大事而易聞密謀言桓公制之無術

號公敗戎于桑田晉卜偃曰號必亾矣亾下

陽不懼而又有功是天奪之鑿而益其疾也

必易去聲晉而不撫其民矣不可以五稔入甚切

桑田今靈寶稠桑驛號地也號公蓋驕而忽晉故時人以下其存亾稔每歲穀一熟五者天數古人多以此言之或贏或縮非必應也號果越四年亾

冬楚人伐鄭鬪章囚鄭聃伯

經書侵傳言伐者經從赴告之文

經三年春王正月不雨夏四月不雨徐人

取舒無傳從齊令也徐已從齊矣齊伐楚必取舒所以絕徐於楚因以通伐楚之徑也舒

國也變滅言取何也魯頌曰荆舒是懲蓋舒黨楚幾若楚屬邑矣故書取猶云取諸楚也罪舒而恕徐也六月雨

秋齊侯宋公江人黃人會于陽穀冬公子

友如齊涖盟楚人伐鄭

傳三年春不雨夏六月雨自十月不雨至于

五月不日旱不為災也

一時不雨則書首月實則兼去冬今春言之也夏四月仍不雨至六月始雨故傳舉自十月至五月以明之是自酉月至辰月不雨也建巳之月得雨於播種無損故不

為災

秋會于陽穀謀伐楚也

陽穀今陽穀縣。伐楚為前年楚侵鄭故。

齊侯為去聲陽穀之會來尋盟冬公子友如齊

涖盟

涖盟往臨聽盟

楚人伐鄭鄭伯欲成孔叔不可曰齊方勤我
弃德不祥

孔叔鄭大夫勤我謂方為陽穀之會

齊侯與蔡姬乘舟于圃蕩公公懼變色禁之
不可公怒歸之未絕之也蔡人嫁之

蔡姬齊侯夫人也圃苑也蓋魚池在苑中蕩謂蕩舟搖動

經四年春王正月公會齊侯宋公陳侯衛侯

鄭伯許男曹伯侵蔡蔡潰遂伐楚次于陘邢音

夏許男新臣卒楚屈完來盟于師盟于

召陵音邵齊人執陳轅濤塗秋及江人黃

人伐陳八月公至自伐楚無傳以伐楚致者侵蔡所以伐

楚致其本事也葬許穆公冬十有二月公孫茲

同治八年謹遵

三專讀本卷五 僖公

六

帥師會齊人宋人衛人鄭人許人曹人侵陳
 傳四年春齊侯以諸侯之師侵蔡蔡潰遂伐
 楚楚子使與師言曰君處北海寡人處南海
 唯是風馬牛不相及也不虞君之涉吾地也
 何故管仲對曰昔召音邵康公命我先君犬音泰
 公曰五侯九伯女同汝實征之以夾輔周室賜
 我先君履東至于海西至于河南至于穆陵
 北至于無棣爾貢包茅不入王祭不共音供無
 以縮酒寡人是徵昭王南征而不復寡人是

問對曰貢之不入寡君之罪也敢不共音給
 昭王之不復君其問諸水濱師進次于陘音邢
 夏楚子使屈完如師師退次于召音邵陵齊侯
 陳諸侯之師與屈完乘去聲而觀之齊侯曰豈
 不穀是為去聲先君之好去聲是繼與不穀同好
去聲如何對曰君惠徼吉堯切福於敝邑之社稷
 辱收寡君寡君之願也齊侯曰以此眾戰誰
 能禦之以此攻城何城不克對曰君若以德
 綏諸侯誰敢不服君若以力楚國方城以為

城漢水以為池雖眾無所用之屈完及諸侯盟

陘今鄆城縣召陵故城在今鄆城東四十里方城山名在葉縣南漢水自楚鄆陽東至夏口皆在楚北師徒所必經可當城池之守屈完楚大夫楚初言齊楚不相涉無為見伐風馬牛牝牡相誘謂之風蓋是未界之微事言微事尚不相及更無相及也管仲言齊承大公之後五等諸侯九州之伯皆得征討其罪楚則祭貢不供王征不復是以南討楚使言祭貢當供給昭王溺漢時漢未屬楚譏管仲失辭齊乃進師楚使屈完如師乃退次召陵海謂東海河謂冀州之東河穆陵今臨朐東南之大岨山無棣今鹽山縣是言齊四境所履包茅謂裹束菁茅沃酒其上酒滲縮去日縮酒

王祭用之荆州所貢齊侯言諸侯附從非為己故亦以繼先世之好因欲與楚同之楚不服其力而服其德乃及諸侯盟

陳轅濤塗謂鄭申侯曰師出於陳鄭之閒國必甚病若出於東方觀兵於東夷循海而歸其可也申侯曰善濤塗以告齊侯許之申侯見音現曰師老矣若出於東方而遇敵懼不可用也若出於陳鄭之閒音供其資糧扉符費切履其可也齊侯說同悅與之虎牢執轅濤塗

轅濤塗陳大夫申侯鄭大夫師出陳鄭之閒則二國供給甚病出東方則由徐至青

歷郊。莒。徐。夷。觀兵示威。陳鄭可不費。濤塗得請。申侯又自請于齊。願供糧屨。故濤塗被執而申得賜。屏。草屨也。轅亦作袁。

秋伐陳討不忠也。

以轅濤塗為誤軍道。

許穆公卒于師葬之以侯禮也。凡諸侯薨于朝會加一等。死王事加二等。於是有以袞斂

去聲

許男爵。子男一等。侯伯一等。公一等。今以侯服加一等也。加二等則公禮袞斂矣。

冬叔孫戴伯帥師會諸侯之師侵陳。陳成歸

轅濤塗。

叔孫戴伯。叔牙子。公孫茲也。諡戴伯。

初晉獻公欲以驪姬為夫人。卜之不吉。筮之吉。公曰從筮。卜人曰筮短龜長。不如從長。且

其繇曰專之渝。

音俞。攘。日陽切。

公之繇。

音俞。一薰一

蕕。音由十年尚猶有臭。必不可。弗聽。立之。生奚

齊。其娣生卓子。及將立奚齊。既與中大夫成

謀。姬謂犬子曰。君夢齊姜。必速祭之。犬子祭

于曲沃。歸胙于公公田。姬寘諸宮。六日公至。

添錄古音如倫

毒而獻之。公祭之地，地墳。上聲與犬。犬斃，與小

臣、小臣亦斃。姬泣曰：「賊由犬子。」犬子奔新城。

公殺其傅杜原款。苦管切或謂犬子，子辭。君必

辯焉。犬子曰：「君非姬氏，居不安，食不飽。」我辭

姬必有罪，君老矣，吾又不樂。」曰：「子其行乎？」犬

子曰：「君實不察其罪，被。」皮寄切此名也。以出人

誰納我？十二月戊申，縊于新城。姬遂譖二公。

子曰：「皆知之。」重耳奔蒲，夷吾奔屈。

卜筮之法。周禮先筮後卜。即事漸也。春秋魯桓卜季友。晉文卜納王。趙鞅卜救鄭。及

此卜驪姬皆先卜後筮。洪範有龜筮逆從。則古人大事本卜筮並用。此言龜長筮短者。灼龜是示象。揲著是得數。先象而後數。故分長短。卜人欲公從卜。故設此辭。卜筮皆有繇。此引卜繇。渝變也。羶美也。言專之有渝變。將攘除公之美也。一薰香。一蕕臭。同居十年。則惟聞猶臭。言善惡同處。善易消而惡難散也。與中大。大夫成謀者。中大。夫里克也。里克稱疾不朝。驪姬得行其計。祭于曲沃者。服虔云。曲沃新城。有犬子。母齊姜。廟胙有酒肉。姬毒而獻。毒酒經宿輒敗。而閱六日。明公之惑甚也。子辭者。言以六日之狀自理。犬子言我辭而姬有罪。君必不樂。是君之不樂。由于我。乃縊而死。於是二公子亦被譖。

經五年春，晉侯殺其世子申生。杞伯姬來。

同治八年謹遵

三專讀本卷五 僖公

朝其子

無傳公羊傳曰與其子俱來朝也伯姬倍公之姑也於禮不得歸甯來已

非矣朝其子更非也父在子不當朝借曰朝焉不必其母之朝之也杞任其來魯受其禮

參譏

夏公孫茲如牟

公及齊侯宋公陳

侯衛侯鄭伯許男曹伯會王世子于首止

秋八月諸侯盟于首止鄭伯逃歸不盟 楚

人滅弦弦子奔黃 九月戊申朔日有食之

無傳

冬晉人執虞公

傳五年春王正月辛亥朔日南至公既視朔

遂登觀

去聲

臺以望而書禮也凡分至啟閉必

書雲物為

去聲

備故也

子月朔日冬至則中氣在月朔後應置閏是年閏周正十二月也觀臺者門臺構屋可遠望故古人名君門亦曰觀以望而書謂史官從書雲物周官保章氏云以五雲之物辨吉凶水旱降豐荒之祲象鄭注云物色也視日旁雲氣之色降下也知水旱所下之國鄭眾言雲色青為蟲白為喪赤為兵荒黑為水黃則豐此占候不獨言雲兼日旁氣言之春分秋分冬夏至夏至啟則立春立夏夏閉則立秋立冬此八節皆望雲物書之豫為之備

晉侯使以殺太子申生之故來告初晉侯使

士蔦為

去聲

二公子築蒲與屈不慎寘薪焉夷

此言三公子必不能長保此後適為寇讎所保而已

吾訴之公使讓之士蔦稽首而對曰臣聞之
 無喪而感憂必讎焉無戎而城讎必保焉寇
 讎之保又何慎焉守官廢命不敬固讎之保
 不忠失忠與敬何以事君詩云懷德惟寧宗
 子惟城君其脩德而固宗子何城如之三年
 將尋師焉焉音煙用慎退而賦曰狐裘龙音蒙茸
 一國三公吾誰適音的從及難去聲公使寺人
 披伐蒲重耳曰君父之命不校音教乃徇似浚切
 曰校者吾讎也踰垣而走披斬其袪遂出奔

翟

傳言晉使來告釋經書申生事在今年士
 蔦知蒲屈必將尋師故不慎而真薪守司
 空之官而廢使城之命自言不肖慎固讎
 人之保因言宗子即城君當固宗子即以
 諷諫也退自作詩云狐裘龙茸者喻紛亂
 一國三公者喻公與二子不同德吾誰適
 從者言不慎則廢命慎之則固讎人之保
 不知以何者可適從也寺人披即寺人勃
 鞮袪也

夏公孫茲如牟娶焉

茲叔牙子牟國今蓬萊縣
 茲以君命聘牟因自迎娶

會于首止會王大音秦子鄭謀寧周也

同治八年謹遵

三傳讀本卷五 僖公

三

惠后愛少子帶欲立之故諸侯會大子以定其位大子襄王也大子子帶皆惠后所生故傳於二十四年言母弟史記則云襄王母早死後母曰惠后生叔帶與傳不同今從傳

陳轅宣仲怨鄭申侯之反已於召陵故勸之城其賜邑曰美城之大名也子孫不忘吾助子請乃為去聲之請於諸侯而城之美遂譖諸鄭伯曰美城其賜邑將以叛也申侯由是得罪

宣仲轅濤塗也賜邑齊桓賜申侯虎牢城之美謂樓櫓之備皆美具申侯與濤塗議

定于召陵而反之以媚齊故濤塗怨之

秋諸侯盟王使周公召鄭伯曰吾撫女同汝以從楚輔之以晉可以少安鄭伯喜於王命而懼其不朝於齊也故逃歸不盟孔叔止之曰國君不可以輕去聲輕則失親失親患必至病而乞盟所喪去聲多矣君必悔之弗聽逃其師而歸

周公宰孔也齊桓定大子之位惠王恨之故使鄭叛齊也晉楚大國不服齊故以鎮安鄭國孔叔鄭大夫失親謂失所因依

楚鬪穀於菟滅弦弦子奔黃於是江黃道柏方睦於齊皆弦姻也弦子恃之而不事楚又不設備故匹

弦國在今光州西南黃國今光州西江國今正陽東南道國今確山東北柏國今西平縣西傳言小國不可苟安忘備

晉侯復假道於虞以伐虢宮之奇諫曰虢虞之表也虢亡虞必從之晉不可啟寇不可翫一之謂甚其可再乎諺所謂輔車相依唇亡齒寒者其虞虢之謂也公曰晉吾宗也豈害

輔本作輔易長上六其輔虞氏作輔說天輔也其輔輔不引左傳作輔車相依唇亡齒寒輔上領車也與牙相依上領車者謂上頰也

牙之骨有如車也此在內者而食經謂輔頰與牙車相依也杜曰而大者曰牙說文牙壯齒也今作壯齒依處者小而壯外者也皆與骨相依

我哉對曰大音泰伯虞仲大音泰王之昭也大伯不從是以不嗣虢仲虢叔王季之穆也為文王卿士勳在王室藏於盟府將虢是滅何愛於虞且虞能親於桓莊乎其愛之也桓莊之族何罪而以為戮不唯偏乎親以寵偏猶尙害之況以國乎公曰吾享祀豐絜神必據我對曰臣聞之鬼神非人實親惟德是依故周書曰皇天無親惟德是輔又曰黍稷非馨明德惟馨又曰民不易音亦物惟德繫音伊物如是

則非德民不和神不享矣神所馮音憑依將在

德矣若晉取虞而明德以薦馨香神其吐之

乎弗聽許晉使去聲宮之奇以其族行曰虞不

臘矣在此行也晉不更舉矣八月甲午晉侯

圍上陽問於卜偃曰吾其濟乎對曰克之公

曰何時對曰童謠云丙之辰龍尾伏辰均同

服振振音真取虢之旂鶉之賁賁音奔天策焯焯

吞音火中成軍虢公其奔其九月十月之交乎

丙子旦日在尾月在策鶉火中必是時也冬

均本作均說文均國服也
古人兵革上下皆服國故國策
簡龍請其子補粟不之也
祿姓可解古讀如片

十二月丙子朔晉滅虢虢公醜奔京師師還

館于虞遂襲虞滅之執虞公及其大夫井伯

以媵秦穆姬而脩虞祀且歸其職貢於王故

書曰晉人執虞公罪虞且言易音異也

晉在北虢在南虞在西南虢與晉鄰虢亦

與晉鄰而包乎虢之南故以輔車唇齒為

喻輔頰也輔車牙車上曰齒下曰牙言虢

本與晉鄰虢匹則晉又出于虢之表是晉

三面包圍虢輔車唇齒俱亡矣昭之子為穆

穆之子為昭大王在穆故其子為昭王季

同治八年謹遵

三專讀本卷五 僖公

五

言同此一物不必易物而有德者神享之使晉得虞即用虞之物享虞之神虞君不早思此理故知虞不臘臘者歲終祭眾神之名虞有此祭後秦漢承用之上帝者號國都即今陝州晉有成謀難舉號易取虞故問舉號之期卜偃言在夏正十月朔周正十二月朔也漢志三統法推此夜是月小餘盡夜半合朔在尾十四度從乙亥夜半至平旦日行四分度之一月行三度有餘故丙子旦日在尾月在尾天策鶉火之次以旦正中童謠言丙之晨龍尾伏辰謂丙子旦尾星伏于日躔之辰也均服振振取號之旂謂晉軍上下均同服取號旂也鶉之賁賁謂柳星張象現也天策焯焯天策傳說星也在尾東謂月次其宿去日亦不遠焯焯然無光耀也火中成軍號公其奔謂鶉火星中也合之天象是為建亥之月朔日其謠果驗杜預云童戲之子未有念

慮之感而會成嬉戲之言似若有憑焉者其言或中或否博覽廣采之士能懼思之人兼而志之有益也號亾因還師過虞虞人館晉不備晉遂取之并伯虞大夫媵從女僕妾也秦穆姬晉侯女傳言晉脩虞祀一明得國之道不廢其典祀一明神自據德終不廢享無德之人不可恃之

經六年春王正月 夏公會齊侯宋公陳侯

衛侯曹伯伐鄭圍新城 秋楚人圍許諸侯

遂救許 冬公至自伐鄭 無傳致伐鄭者本謀也救許因伐鄭

也故以伐鄭致

傳六年春晉侯使賈華伐屈夷吾不能守盟

而行將奔狄。郤芮曰：後出同走，罪也不如之。梁，梁近秦而幸焉，乃之梁。

梁，嬴姓國，在今韓城縣，故近秦。賈華，晉大夫，郤芮時從夷吾在屈，夷吾力不能守，言不如重耳之不校。重耳先奔狄，故郤芮戒與同走，嫌先有同謀也。秦有穆姬之親，夷吾欲依之，梁時為秦所幸，依梁即依秦也。

夏，諸侯伐鄭，以其逃首止之盟故也。圍新密。

鄭所以不時城也。

新密，即經新城，在今密縣。鄭畏諸侯，以不時城密，齊圍密，以新城告于諸侯，即以不時城為鄭罪。

秋，楚子圍許，以救鄭。諸侯救許，乃還。

冬，蔡穆侯將許僖公，以見楚子於武城。許

男面縛，銜璧。大夫衰經，士輿櫬。

楚子問諸逢伯，對曰：昔武王克殷，微子啟如

是，武王親釋其縛，受其璧而祓之，焚其櫬。

禮而命之，使復其所。楚子從之。

武城，在今南陽，楚地也。楚子退舍於此，而諸侯已罷去，故蔡侯將許君以歸。楚面縛者，手縛于後，惟現其面，銜璧者，手已縛，故口銜之。櫬，棺也。從臣衰經與櫬，示許君將受死。微子啟如是者，史記世家云：肉袒面縛，受其璧而祓除其凶，又焚其櫬，以禮命。

之使復其位而封之逢伯楚大夫引此以對楚子亦從其禮使復許男之位也史云左牽羊右把茅亦言左右之人與輿輓者皆是從官

經七年春齊人伐鄭 夏小邾子來朝

無傳周武

王封帝項之後挾於邾為魯附庸挾之後有功又別封其子於邾莊公四年邾黎來來朝今稱子何休以為齊桓公白天子進之遂以爵通也稱小以別於邾也 鄭殺

其大夫申侯 秋七月公會齊侯宋公陳世

子款鄭世子華盟于甯母

如字又音無

曹伯班

卒

無傳

公子友如齊

無傳自是公與友迭如齊朝聘於霸主勤矣

冬葬曹昭公

無傳

傳七年春齊人伐鄭孔叔言於鄭伯曰諺有

之曰心則不競何憚於病既不能彊又不能

弱所以斃也國危矣請下

去聲

齊以救國公曰

吾知其所由來矣姑少待我對曰朝不及夕

何以待君

何憚于病言不憚為屈辱之病知所由來意謂由申侯致之

夏鄭殺申侯以說于齊且用陳轅濤塗之譖

也初申侯申出也有寵於楚文王文王將死

與之璧使行曰唯我知女

同汝下同

女專利而不

厭予取予求。不女疵瑕也。後之人將求多於女。女必不免。我死，女必速行，無適小國。將不女容焉。既葬，出奔鄭。又有寵於厲公子文。聞其死也，曰：「古人有言曰：『知臣莫若君，弗可改也已。』」

濤塗之譖，謂城虎半。申侯本楚臣，申之甥也。大國尚能容專利之人，國小則不能容。以利本小，專之則召禍。求多者，謂以禮義大望責之。子文楚鬬穀於菟也。

秋，盟于甯母，謀鄭故也。管仲言於齊侯曰：「臣聞之，招攜以禮，懷遠以德，德禮不易，無人不

懷。齊侯脩禮於諸侯，諸侯官受方物。鄭伯使大子華聽命於會，言於齊侯曰：「洩氏、孔氏、子人氏三族實違君命。若君去上聲之以為成，我

以鄭為內臣，君亦無所不利焉。齊侯將許之。管仲曰：「君以禮與信屬音燭諸侯，而以姦終之，

無乃不可乎？子父不奸音干之謂禮，守命共音恭

時之謂信。違此二者，姦莫大焉。公曰：「諸侯有討於鄭，未捷，今苟有釁，從之，不亦可乎？」對曰：「君若綏之以德，加之以訓辭，而帥諸侯以討，

鄭鄭將覆亾之不暇豈敢不懼若摠當作其

罪人以臨之鄭有辭矣何懼且夫合諸侯以

崇德也會而列姦何以示後嗣夫諸侯之會

其德刑禮義無國不記記姦之位君盟替矣

作而不記非盛德也君其勿許鄭必受盟夫

子華既為犬子而求介於大國以弱其國亦

必不免鄭有叔詹堵叔師叔三良為政未可

閱音也齊侯辭焉子華由是得罪於鄭冬鄭

伯使請盟于齊

甯母在今魚臺縣東晉時尚有泥母亭時鄭未服而面從齊故桓公言未捷可從其

閏月惠王崩襄王惡去聲犬音叔帶之難去聲懼

不立不發喪而告難于齊

不立則無喪主故不發喪

經八年春王正月公會王人齊侯宋公衛侯

許男曹伯陳世子款盟于洮鄭伯乞盟 夏

狄伐晉 秋七月禘于大音秦廟用致夫人

冬十有二月丁未天王崩

傳八年春盟于洮謀王室也鄭伯乞盟請服

也襄王定位而後發喪

發喪不赴經亦不得書何者策書以次書之不能豫空策以俟補書又不可即所聞書之故必俟告不依其事之日月先後也周王大事多不見于春秋實由不告此春發喪謂周室成禮冬來告謂尋討舊章徵諸侯赴喪魯並無一人適周是以經無如

周無葬惠王之文凡此疑義可于左氏國史記載推之後儒不明史法乃非毀左氏謂無秘喪一年之理不知左氏于前年閏月言不立不發喪謂無喪主不成禮非言秘喪也且惠后子帶在王左右豈能秘之會洮而王位定齊桓之力也

晉里克帥師梁由靡御號射音石為右以敗狄

于采桑梁由靡曰狄無恥從之必大克里克

曰懼之而已無速眾狄號射日期音基年狄必

至示之弱矣

夏狄伐晉報采桑之役也復期音基月

采桑今吉州西河津也里克敗狄前年事狄來報在今夏故曰復期月明期年之言

同治八年謹遵

三專賣本卷五 僖公

三

驗

秋禘而致哀姜焉非禮也凡夫人不薨于寢不殯于廟不赴于同不祔于姑則弗致也

禘三年大祭之名犬廟周公廟因大祭祔哀姜同謂同盟傳言哀姜不薨于寢禮不當致僖公亦難其禮故歷三禘而遂行之

冬王人來告喪難故也是以緩

去聲

宋公疾犬音秦子茲父音甫固請曰日夷長上聲且

仁君其立之公命子魚子魚辭曰能以國讓仁孰大焉臣不及也且又不順遂走而退

日夷子魚也庶子之長

經九年春王三月丁丑宋公御說音悅卒夏

公會宰周公齊侯宋子衛侯鄭伯許男曹伯

于葵丘 秋七月乙酉伯姬卒無傳伯姬不稱子公姊妹

也內女為夫人繫國不繫國未適人也何以書卒許嫁於諸侯也許嫁不為殤也

九月戊辰諸侯盟于葵丘 甲子晉侯佹古委

切諸卒 冬晉里克殺其君之子奚齊

傳九年春宋桓公卒未葬而襄公會諸侯故

日子凡在喪王曰小童公侯日子

同治八年謹遵 三專賣本卷五 僖公 三

在喪謂未葬小童者童蒙幼穉之稱子者繼父之辭

夏會于葵丘尋盟且脩好去聲禮也王使宰孔

賜齊侯胙曰天子有事于文武使孔賜伯舅

胙齊侯將下拜孔曰且有後命天子使孔曰

以伯舅音耄加勞去聲賜一級無下拜對曰

天威不遠顏咫尺小白余敢貪天子之命無

下拜恐隕越于下以遺去聲天子羞敢不下拜

下拜登受

葵邱宋地在今河南考城與管至父成葵邱齊地在今山東臨淄者別胙祭肉賜胙

耄本作耄說文八十曰耄
詩毛傳同釋名亦曰八十曰耄
言皮黑色如鐵也禮曲禮本
作八十曰耄九十曰老自陸氏
作釋文所據本作八十曰
耄脫曰耄三家反以一本有曰
耄者為非後人遂誤沿之
服虔此傳注作七十曰耄與
馬融易注同蓋皆誤記曲禮
七十曰老之文

尊齊桓比二王後也受賜之禮依覲禮侯氏升西面立大史述命侯氏降兩階之閒北面再拜稽首升成拜是當下拜而後登受今襄王以齊桓耄老而加勞之加禮一等使無下拜級等也違遠也顏額顙也八寸曰咫桓公言王之威嚴若在額顏上相違不及咫尺謂凜懼之甚自不敢貪一時之命而越常禮

秋齊侯盟諸侯于葵丘曰凡我同盟之人既

盟之後言歸于好宰孔先歸遇晉侯曰可無

會也齊侯不務德而勤遠略故北伐山戎南

伐楚西為此會也東略之不知西則否矣其

在亂乎君務靖亂無勤於行晉侯乃還

宰孔言齊不務德非有深識之言惟怨其定襄王故誘之其謂晉在亂在察也

杜注謂藐諸孤言其幼賤與諸子懸貌是以是字指多爵以諸孤指是吾重耳顧亭林補注貌小也東杜說甚迂曲藐諸孤若言藐諸孤指寡喬卓子也潘岳賦孤女貌為始孩可知古人皆不知杜解

九月晉獻公卒里克平鄭欲納文公故以三公子之徒作亂初獻公使荀息傅奚齊公疾召之曰以是藐音渺諸孤辱在大夫其若之何稽首而對曰臣竭其股肱之力加之以忠貞其濟君之靈也不濟則以死繼之公曰何謂忠貞對曰公家之利知無不為忠也送往事居耦俱無猜貞也及里克將殺奚齊先告荀息曰三怨將作秦晉輔之子將何如荀息曰

已即辰巳之已說之已止也謂人已卷言已欲無貳於君亦不能使人便止不作亂蓋以里克始與言在申生重耳等與已終終從是言各行其志也

將死之里克曰無益也荀叔曰吾與先君言矣不可以貳能欲復言而愛身乎雖無益也將焉音焉辟同避之且人之欲善誰不如我我欲無貳而能謂人已乎

冬十月里克殺奚齊于次書曰殺其君之子未葬也荀息將死之人曰不如立卓子而輔之荀息立公子卓以葬十一月里克殺公子卓于朝荀息死之君子曰詩所謂白圭之玷尚可磨也斯言之玷不可為也荀息有焉

齊侯以諸侯之師伐晉及高粱而還討晉亂也令不及魯故不書

晉卻芮使夷吾重賂秦以求入曰人實有國我何愛焉入而能民土於何有從之齊隰朋帥師會秦師納晉惠公秦伯謂卻芮曰公子誰恃對曰臣聞亾人無黨有黨必有讎夷吾弱不好去聲弄能鬪不過長上聲亦不改不識其他公謂公孫枝曰夷吾其定乎對曰臣聞之唯則定國詩曰不識不知順帝之則文王之

謂也又曰不僭不賊鮮上聲不為則無好去聲無

惡去聲不忌不克之謂也今其言多忌克難哉

公曰忌則多怨又焉音焉能克是吾利也

高粱晉地在今臨汾縣東奚齊立則惠公文公共犬子三人之徒不服里克平鄭意主文公荀息則輔奚齊荀息即荀叔也藐諸小貌耦兩也耦俱無猜言生歿兩俱無恨荀息言我欲無貳不能使人止以喻里克欲行事亦不能使我止言當各行其志及奚齊被殺乃立奚齊之弟卓子卓子又被殺荀息乃死君子引詩言荀息有詩人重言之義時晉無君齊空伐之而秦納惠公齊亦會師不好弄謂不戲弄能鬪不過謂有節制唯則定國則法也謂人道常法言多忌克必多怨故不能克人秦伯知其

多怨而不能勝人。故曰：是吾利也。

宋襄公即位，以公子目夷為左師，以

聽政。於是宋治，故魚氏世為左師。

無傳。魯始朝齊也。宗國且然，他國可知矣。諸侯諂伯主肆，故書之，以傷王室之日微也。

經十年春，王正月，公如齊。

無傳。魯始朝齊也。宗國且然，他國可知矣。諸侯諂伯主肆，故書之，以傷王室之日微也。

衛 晉里克弒其君卓及其大夫荀息。夏

齊侯許男伐北戎。

無傳。時狄益熾，禍及王畿。不此之懲而伐北戎，所謂

不務德而勤遠，略乎況許近楚，有楚患驅之北伐，非義矣。齊桓自召陵以後，其志日驕，故

逐小利而遺大計也。

晉殺其大夫里克。

秋七月

冬大雨雪。

無傳。周之冬，酉戌亥月也。總三月而大雨雪，失時也。且恆寒為災，故

志也。

傳十年春，狄滅溫，蘇子無信也。蘇子叛王，即

狄又不能於狄，狄人伐之，王不救，故滅蘇子。

奔衛。

溫，蘇氏邑。蘇子前奉子穢，亂周，乃即于狄。今滅而奔衛，亦以前與衛燕同亂也。蘇子

蘇忿生之後。

夏四月，周公忌父

音甫。

王子黨會齊隰朋立晉

侯，晉侯殺里克以說，將殺里克。公使謂之曰：

同治八年謹遵

三專讀本卷五 僖公

三

微子則不及此雖然子弑二君與一大夫為子君者不亦難乎對曰不有廢也君何以興欲加之罪其無辭乎臣聞命矣伏劍而死於是平鄭聘于秦且謝緩賂故不及

周公忌父周卿士王子黨周大夫隰朋齊大夫以說者明己意不欲殺奚齊卓子殺之者里克平鄭也殺里克明己非篡平鄭出聘未還故不同死

晉侯改葬共同恭大音泰子秋狐突適下國遇犬子犬子使登僕而告之曰夷吾無禮余得請於帝矣將以晉畀秦秦將祀余對曰臣聞之

神不歆非類民不祀非族君祀無乃殄乎且民何罪失刑乏祀君其圖之君曰諾吾將復請七日新城西偏將有巫者而見我焉許之遂不見及期而往告之曰帝許我罰有罪矣敝於韓平鄭之如秦也言於秦伯曰呂甥卻稱冀芮實為不從若重問以召之臣出晉君君納重耳蔑不濟矣

申生之葬初以罪死不能如禮惠公立乃改葬之下國即曲沃申生葬處狐突申生傳在晉國突秋適下國忽遇申生使登車備僕御夷吾有罪者賈逵云以其烝于賈

君以晉界秦則民罹兵災故曰民何罪且失刑也新城即曲沃敵于韓言薄罰其罪不使至失晉國韓原今韓城東南地申生因與狐突約至七日與巫者俱往又見申生焉後秦伯直謂之妖夢以鬼神之事恂恂如夢幻也呂甥卻稱冀芮皆晉大夫不從謂不與秦賂問聘問之幣也平鄭於是乎欲閒惠公

冬秦伯使洽

音零

至報問且召三子卻芮曰幣

重而言甘誘我也遂殺平鄭祁舉及七輿大

夫左行

音杭下同

共

音恭

華右行賈華叔堅騅

音佳音歛

音適纍

盧為切

虎特宮山祁皆里平之黨也平豹

奔秦言於秦伯曰晉侯背大主而忌小怨民

弗與也伐之必出公曰失眾焉

音薦

能殺違禍

誰能出君

洽至秦大夫三子呂甥卻稱冀芮也共華以下七人七輿大夫也侯伯七命副車七乘各一大夫主之皆里平之黨服虔云申生將下軍之輿帥七人也平豹平鄭子大主秦也小怨里平秦伯言晉惠能殺里平則非失眾里平之黨方違避禍害則晉無人能出君

經十有一年春晉殺其大夫平鄭父

音甫

夏

公及夫人姜氏會齊侯于陽穀

無傳夫人聲姜也逆至不

書得禮也姜為齊侯之女歸甯可也與於會不可也書公及夫人婦從夫之辭與文姜異

矣然禮謹於微其防一潰其流遂不可禦書之以明別遠嫌使人知禮法之大閑也

秋八月大雩

無傳僖公初政勤於為民故雨不雨備書之今之夏方挾夫人

與齊為陽穀之會志不在民矣早至八月而雩亦具文耳觀春秋書法而僖之始勤終怠

具見矣

冬楚人伐黃

傳十一年春晉侯使以平鄭之亂來告

傳釋經書在今年也

天王使召

音邵

武公內史過

平聲

賜晉侯命受玉

惰過歸告王曰晉侯其無後乎王賜之命而

惰於受瑞先自弃也已其何繼之有禮國之

幹也敬禮之輿也不敬則禮不行禮不行則

上下昏何以長世

天王襄王晉侯惠公夷吾賜命謂玉圭晉侯受之容惰周語云晉侯受玉卑拜不稽首

夏揚拒泉臯伊維之戎同伐京師入王城焚

東門王子帶召之也秦晉伐戎以救周秋晉

侯平戎于王

揚拒泉臯皆戎邑伊維二水諸戎地在今洛陽西南王子帶甘昭公也召戎欲因以

篡位

黃人不歸楚貢冬楚人伐黃

經十有二年春王三月庚午日有食之

無傳不書

朔官失之

夏楚人滅黃

秋七月

冬十有二

月丁丑陳侯杵臼卒

無傳

傳十二年春諸侯城衛楚丘之郛懼狄難

去聲

楚邱衛國都郛郭也

黃人恃諸侯之睦于齊也不共同供楚職曰自

郛及我九百里焉

音焉

能害我夏楚滅黃

郛楚都今荊州江陵黃今光州

王以戎難

去聲

故討王子帶秋王子帶奔齊

冬齊侯使管夷吾平戎于王使隰朋平戎于

晉王以上卿之禮饗管仲管仲辭曰臣賤有

司也有天子之二守

手又切

國高在若節春秋

來承王命何以禮焉陪臣敢辭王曰舅氏余

嘉乃勳應乃懿德謂督不忘往踐乃職無逆

朕命管仲受下卿之禮而還君子曰管氏之

世祀也宜哉讓不忘其上詩曰愷

音凱

悌君子

同治八年謹遵

三專讀本卷五 僖公

三

顧氏謂應乃等語俱本舊
繼予之命謂督當依舊作
曰實較明或卡字通案微
子之命是偽古文正難用
左傳此文然可知本皆
寫通用蓋東晉初猶如此
蓋教寫厚之舊本作空字
督皆借字也謂曰皆語詞

神所勞去聲矣

齊二卿命于天子曰國氏高氏故曰天子之守莊二十二年有高傒僖二十八年有國歸父蓋世卿也管仲命于其君故自言賤有司節春秋來承王命言以禮朝聘管仲出自周穆王今以齊國伯舅之使故稱曰舅氏膺受也懿美也督正也王言嘉仲之勳膺受其美德謂正而不可忘其位不及高國而執政職重故就其職褒之下卿管仲本位也愷悌言愷樂易治神所勞謂為神所福君子言管氏宜世祀杜預云管後不復見傳亦舉其無驗蓋君子據理而言世本云仲後武子桓子成子莊子悼子襄子景子景子之子名微自敬仲至景子八世得諡是世祀之驗而杜預不取

經十有三年春狄侵衛夏四月葬陳宣公

無傳

公會齊侯宋公陳侯衛侯鄭伯許男曹

伯于鹹

秋九月大雩

無傳

冬公子友如齊

無傳陽穀之後友如齊而伐楚甯母之後友如齊而盟洮鹹之後友如齊而城緣陵志專也政也

傳十三年春齊侯使仲孫湫

子小

聘于周且

言王子帶事畢不與王言歸復命曰未可王怒未怠其十年乎不十年王弗召也

且言言欲復之不言王怒未解

夏會于鹹淮夷病杞故且謀王室也

不與王言王子帶也

同治八年謹遵

三傳實本卷之九僖公

三

鹹。衛地。在今開州東南。淮夷病杞。時杞在涓于。今之安邱地。近齊。淮夷蓋浸淫北侵也。

秋爲

去聲

戎難

去聲

故諸侯戍周齊仲孫湫致之

致。謂致戍守士卒器備資糧之數。

冬晉荐

音賤

饑使乞糴于秦秦伯謂子桑與諸

乎對曰重

平聲

施

去聲

而報君將何求重施而不

報其民必攜攜而討焉無眾必敗謂百里與

諸乎對曰天災流行國家代有救災恤鄰道

也行道有福本鄭之子豹在秦請伐晉秦伯

曰其君是惡其民何罪秦於是乎輸粟于晉

自雍

去聲

及絳相繼命之曰汎舟之役

雍。今陝西鳳翔。絳。故絳。今山西翼城。傳言自雍及絳。八百里。乘十里舍車。終事八反。時昭公時。晉已遷新田。則今之曲沃縣。與此別。此時由鳳翔至翼城。從渭入河。又溯汾至晉。秦人重其役。故命曰汎舟。以志之。晉以麥禾皆不熟。爲重饑。荐重也。秦亦以晉背賂。又求糴。爲重施。子桑。百里奚。皆秦大夫。

經十有四年春諸侯城緣陵

夏六月季姬

及鄆子遇于防使鄆子來朝

秋八月辛卯

沙鹿崩

狄侵鄭

無傳。狄在西北。今侵衛而至於鄭。幾與楚合矣。鄭天

下之中也。楚禍南至，狄禍北來，楚狄交橫，而齊不一救，益以見桓公之志不在諸侯也。

冬，蔡侯肸卒。

無傳，獻舞之子也。父獻舞，獲於楚而卒。肸立而堅於從楚。

齊桓公之霸也，雖國潰而終無從霸之志。君子深惡其忘父事仇，下喬入谷也。

傳十四年春，諸侯城緣陵而遷杞焉，不書其

人有闕也。

緣陵在今昌樂縣東南，杞以淮夷病自涓于遷，此有闕者，器用不具，城池不固。

鄆季姬來寧，公怒，止之，以鄆子之不朝也。夏

遇于防而使來朝。

鄆國，姒姓，子爵。在今嶧縣東，防，魯城，東防也。季姬，鄆夫人，止之，謂絕其婚，故明年仍

以歸鄆為文。

秋八月辛卯，沙鹿崩。晉卜偃曰：「期年將有

大咎，幾亾國。」

沙鹿，山名，在今元城縣東，晉山也。杜預釋例云：「天人之際，或異而無感，或感而不可

知。沙鹿崩，則謂期年有大咎，成五年梁山崩，則言山有朽壤而自崩，皆賢哲之讜言。

達者所宜廣識。

冬，秦饑，使乞糴于晉。晉人弗與。慶鄭曰：「背施

去聲無親，幸災不仁，貪愛不祥，怒鄰不義，四德

皆失，何以守國？虢射曰：「皮之不存，毛將安傅？」

慶鄭曰弃信背鄰患孰恤之無信患作失援必斃是則然矣虢射曰無損於怨而厚於寇不如勿與慶鄭曰背施幸災民所弃也近猶讎之況怨敵乎弗聽退曰君其悔是哉

貪愛不祥言徒吝嗇是凶道虢射意在晉先背秦賂如己無皮更無從著毛即子糴亦不滅秦怨徒資寇糧而已慶鄭晉大夫虢射服虔杜預云惠公舅也晉語云秦饑惠公命輸之粟虢射請勿與秦侵晉至于韓原慶鄭曰君其訊射也公曰舅所病也是服杜所據

經十有五年春王正月公如齊無傳十年公如齊今閱五

年又如齊夫五年一朝所以事天子也魯行之齊受之均罪也 楚人伐徐

三月公會齊侯宋公陳侯衛侯鄭伯許男

曹伯盟于牡丘遂次于匡公孫敖帥師及諸

侯之大夫救徐 夏五月日有食之 秋七

月齊師曹師伐厲 八月螽無傳頻旱又螽志災以閔民也

九月公至自會無傳公以九月至則知齊曹伐厲而諸侯皆歸矣以

會致者救徐無功也 季姬歸于郕無傳內女初嫁日歸來甯而返亦當

日歸常事不書也此書之明中絕也 己卯晦震夷伯之廟

冬宋人伐曹 楚人敗徐于婁林 十有一

月壬戌晉侯及秦伯戰于韓獲晉侯

傳十五年春楚人伐徐徐即諸夏故也三月

盟于牡丘尋葵丘之盟且救徐也孟穆伯帥

師及諸侯之師救徐諸侯次于匡以待之

徐國在今泗州之北嬴姓莊二十六年魯

齊宋同伐徐蓋已與諸夏平僖三年徐又

取舒故楚惡之牡邱杜預云地闕或謂今

東昌聊城縣東北七十里牡邱即是也

匡衛邑在今東垣縣

夏五月日有食之不書朔與日官失之也

秋伐厲以救徐也

晉侯之入也秦穆姬屬音燭賈君焉且曰盡納

羣公子晉侯烝於賈君又不納羣公子是以

穆姬怨之晉侯許賂中大夫既而皆背之賂

秦伯以河外列城五東盡虢略南及華去聲山

內及解音蟹梁城既而不與晉饑秦輸之粟秦

饑晉閉之糴故秦伯伐晉卜徒父音甫筮之吉

涉河侯車敗詰之對曰乃大吉也三敗必獲

晉君其卦遇蠱三三曰千乘去聲三去音祛三去

之餘獲其雄狐夫狐蠱必其君也蠱之貞風

同治八年謹遵

左傳讀本卷五 僖公

三

也其悔山也歲云秋矣我落其實而取其材
 所以克也實落材亾不敗何待三敗及韓晉
 侯謂慶鄭曰寇深矣若之何對曰君實深之
 可若何公曰不孫同遜卜右慶鄭吉弗使步揚
 御戎家僕徒為右乘小駟鄭入也慶鄭曰古
 者大事必乘其產生其水土而知其人心安
 其教訓而服習其道唯所納之無不如志今
 乘異產以從戎事及懼而變將與人易音亂
 氣狡古卯切憤房吻切陰血周作張同脈憤音奮興

一夫不可狃二張當從顧氏
 說至晉言謂一夫尚不可
 輕視況晉國之眾乎

定列諸軍也即合眾之
 意

外疆中乾音干進退不可周旋不能君必悔之
 弗聽九月晉侯逆秦師使韓簡視師復曰師
 少於我鬪士倍我公曰何故對曰出因其資
 入用其寵饑食其粟三施去聲而無報是以來
 也今又擊之我怠秦奮倍猶未也公曰一夫
 不可狃況國乎遂使請戰曰寡人不佞能合
 其眾而不能離也君若不還同旋無所逃命秦
 伯使公孫枝對曰君之未入寡人懼之入而
 未定列猶吾憂也苟列定矣敢不承命韓簡

同治八年謹遵
 三專賣本卷五 僖公

退曰吾幸而得囚壬戌戰于韓原晉戎馬還

渟乃定切而止公號平聲慶鄭慶鄭曰復諫違卜

固敗是求又何逃焉遂去之梁由靡御韓簡

號射為右輅音迓秦伯將止之鄭以救公誤之

遂失秦伯秦獲晉侯以歸晉大夫反首拔同茂

音跋舍從之秦伯使辭焉曰二三子何其感也

寡人之從君而西也亦晉之妖夢是踐豈敢

以至晉大夫三拜稽首曰君履后土而戴皇

天皇天后土實聞君之言羣臣敢在下風穆

姬聞晉侯將至以犬子音嬰瑩音嬰弘與女簡璧登

臺而履薪焉使以免音問服衰音崔經逆且告曰

上天降災使我兩君匪以玉帛相見而以興

戎若晉君朝以入則婢子夕以死夕以入則

朝以死唯君裁之乃舍諸靈臺大夫請以入

公曰獲晉侯以厚歸也既而喪歸焉音薦用之

大夫其何有焉且晉人感憂以重我天地以

要平聲我不圖晉憂重其怒也我食吾言背天

地也重怒難任音壬背天不祥必歸晉君公子

之虛以明之上九與六三今易相應
今由歸妹之上六變為上九則全
易無應故為寇而無備也此有
所發之象無說上堂之象矣

武英殿本重刊

之傳言卷五

補吳切

逃歸其國而奔其家明年其死於高粱

之虛及惠公在秦曰先君若從史蘇之占吾

不及此夫韓簡侍曰龜象也筮數也物生而

後有象象而後有滋滋而後有數先君之敗

德及句可數字如乎史蘇是占勿從何益詩曰

下民之孽匪降自天音傳音沓徒合切背憎職競

由人

賈君晉獻公娶于賈之夫人國語唐固注
云申生妃杜預云獻公次妃獻公時與驪
姬盟詛不畜羣公子故武公獻公子孫皆
在外秦穆姬屬晉惠禮待賈君而納羣公

賈君是申生妃當依唐
說故其子不與也無禮

子惠公背之惠公先許中大夫里克汾陽

田百萬平鄭負蔡田七十萬亦背約殺之

其入以秦許秦河外五城五城傳見其二

焦瑕是也餘不可知東盡號略今嵩縣境

南至華山今華陰縣內及解梁城今臨晉

縣亦皆背之又背秦輸粟之惠而於秦饑

時閉其糴故秦伐晉秦筮師行吉凶卦遇

蠱使卜徒父占之曰吉涉河侯車敗之象

也秦伯詰其義則言三敗必獲晉君蓋韓

在河西為晉河外邑秦亦在河西秦言涉
河者北方謂大小水通曰河蠱外卦為艮
艮為木中車材自二至四互兌兌為毀折
是車敗外卦主敵是晉侯車敗雜占又云
千乘三去三去之餘獲其雄狐艮象為狐
艮得乾上交故曰雄狐蠱上九乾體也故
言夫狐蠱必其君也又貞為內卦秦得吳
風悔為外卦晉得艮山秋風利得山之材
故秦克晉晉車果三敗而至韓時秦軍已

同治八年謹遵

三專賣本卷五 僖公

完

至韓故言寇深韓是晉界內也亂氣狡憤
 陰血周作張脈債興者言馬之氣狡憤於
 外則血脈必周身而作隨氣張動外雖有
 彊形而內實乾竭也一夫不可狎至也
 不可使之得志恐狎而秦伯幾獲之慶鄭
 便旋也輅迎也晉人迎秦伯而晉小駟久止于
 呼使救晉侯乃舍秦伯而歸也壬戌乃九
 泥中故秦人得獲晉侯以歸也師徒無勝負
 月而經書十一月者從告也師徒無勝負
 故不言晉敗反首亂髮被面拔舍拔草舍
 止晉之妖夢謂下國申生現形營秦犬子
 宏其母弟簡璧穆姬女登臺履薪抗絕之
 示若宮閉罪者免衰喪服夫人使以逆君
 且告君將以恥辱自殺靈臺在今西安曰
 上天降災至惟君裁之四十二字孔穎達
 陸德明並云古本唐定本皆無之南宋以
 後從唐石經采入也邵乞晉大夫瑕呂飴

甥即呂甥亦曰陰飴甥杜預云姓瑕呂名
 飴甥食邑于陰字子金晉侯聞秦欲歸己
 故使邵乞告之貳圉貳代也圉惠公子懷
 公也謂將讓位于圉爰田爰改易也服虔
 云以田賞眾易其疆畔杜預云分公田之
 稅應入公者以賞國人州兵謂州長繕甲
 兵視周制鄉大夫繕兵益精密此皆子金
 教邵乞假惠公命以固人心先是秦穆姬
 嫁時晉筮之得歸妹上六其卦有兌有震
 卦為睽史蘇以爲不吉其卦有兌有震有
 離史蘇合歸妹上六睽上九兩爻同論之
 言士女無實責讓不能報蓋歸妹遇睽是
 無相助之象震往而之離離往而之震雷
 火動而害母為嬴敗姬謂不益母家也輓
 輿下伏兔也震為車則脫輓離為火則焚
 旗行師必敗睽孤寇張之弧言失位孤絕
 故遇難而有弓矢之警至姪其從姑以下
 占言奇驗杜預云臨時占者或取于象或

取于氣。或取時日。王相以成其占。犬子圍果以姪從姑。質秦六年。棄妻逃歸。既立。明年被殺于高梁也。時惠公以戰韓前事。已見不吉。因言不與秦昏。當不及此。韓簡同獲于秦。因侍公。言先君之敗德及此。可咎數乎。史蘇依數占之。事定而後數見。不從數亦無益。乃引詩言。小人傳傳。杳杳。面親而背憎。是職主爭競。凡致孽皆由人。知此禍是惠公自致也。

震夷伯之廟罪之也。於是展氏有隱慝焉。

是年九月十三日為壬戌。則己卯為九月晦日。夷謚伯。字。廟名夷伯之廟。名從主人也。夷伯子孫為展氏。其廟遇震。時人言其族有隱慝。

冬。宋人伐曹。討舊怨也。

楚敗徐于婁林。徐恃救也。

婁林。徐地。今泗州北。恃救。謂恃齊救。不設備。

十月。晉陰飴甥會秦伯盟于王城。秦伯曰。晉

國和乎。對曰。不和。小人恥失其君。而悼喪去聲

其親。不憚征繕。以立圍也。曰。必報讎。寧事戎

狄。君子愛其君。而知其罪。不憚征繕。以待秦

命。曰。必報德。有死無二。以此不和。秦伯曰。國

謂君何。對曰。小人感謂之不免。君子恕以為

必歸。小人曰。我毒秦。秦豈歸君。君子曰。我知

罪矣。秦必歸君，貳而執之，服而舍音捨之，德莫厚焉。刑莫威焉。服者懷德，貳者畏刑。此一役也。秦可以霸，納而不定，廢而不立，以德為怨，秦不其然。秦伯曰：是吾心也。改館晉侯饋七牢焉。蛾同蟻析謂慶鄭曰：益行乎？對曰：陷君於敗，敗而不死，又使失刑，非人臣也。臣而不臣，行將焉音焉入。十一月，晉侯歸，丁丑，殺慶鄭。而後入。是歲，晉又饑，秦伯又餽音喜教切之粟。曰：吾怨其君而矜其民，且吾聞唐叔之封也，箕子

曰：其後必大。晉其庸可冀乎？姑樹德焉，以待能者。於是秦始征晉河東，置官司焉。

王城，秦地。今朝邑縣東。服而舍之，謂既服則為安置其位。饋，七牢。侯伯之禮。牛羊豕具為一牢。蛾析，晉大夫。征晉河東，置官司。謂晉子秦以河外列城五。東盡虢略，南至華山，內至河東解梁城也。

欽定春秋左傳讀本卷五

同治八年謹遵

左傳讀本卷五 僖公

三

欽定春秋左傳讀本卷六

僖十六年 盡二十六年

僖公

經十有六年春王正月戊申朔隕石于宋五

是月六鷁

音同鷁逆

退飛過

音戈

宋都

三月壬申

公子季友卒

無傳季氏之始也友名季其行次也大夫卒書名其兼書行次

者季友仲遂叔肸三人而已友為僖之叔遂為宣之叔其行次先君之行次也肸為宣之

弟其行次今君之行次也書公子肸賢也書公厚喪有加禮也友忠也書公子肸賢也書公

弟遂逆也則削其公子矣春秋錄善癉惡故其辭異胡傳以季友仲遂為生而賜氏俾世

為卿夫世卿多矣獨友與遂乎

夏四月丙申鄆季姬卒

無傳

同治八年謹遵

三傳讀本卷六 僖公

秋七月甲子公孫茲卒無傳公子牙之子也是為叔孫氏

冬十有二月公會齊侯宋公陳侯衛侯鄭

伯許男邢侯曹伯于淮

傳十六年春隕于敏切石于宋五隕星也六鷁

逆音退飛過音宋都風也周內史叔興聘于宋

宋襄公問焉曰是何祥也吉凶焉音在對曰

今茲魯多大喪明年齊有亂君將得諸侯而

不終退而告人曰君失問是陰陽之事非吉

凶所生也吉凶由人吾不敢逆君故也

星墜地為石故言隕石鷁水鳥今以其為船頭鳥飛高遇風則退飛風高不為物害故不言風宋人以為異告于諸侯也內史亦知妖祥故宋公問其徵應今茲者謂此歲魯齊宋之事叔興蓋以政刑吉凶他占知之退告人謂陰陽吉凶由人事生非人事吉凶由陰陽生也宋君失問叔興不敢逆而不對賈逵云石屬嶽為齊占五石隕宋言齊五公子之亂宋治之當得諸侯鷁退者不成之象六鷁象後六年宋業退也魯占無象

夏齊伐厲不克救徐而還

秋狄侵晉取狐廚受鐸涉汾及昆都因晉敗

也

狐廚受鐸晉二邑在汾西北昆都晉邑在汾東南皆在今平陽臨汾縣地

王以戎難去聲告于齊齊徵諸侯而戍周

戎自僖十一年伐京師遂為王室難

冬十一月乙卯鄭殺子華

子華介大國以弱其國事在七年

十二月會于淮謀郟且東略也城郟役人病

有夜登丘而呼去聲曰齊有亂不果城而還

會于淮謂淮水左右郟為淮夷所病齊因城郟在今嶧縣東八十里因東履淮夷地其時役人遇厲氣不堪久駐因作妖言

經十有七年春齊人徐人伐英氏 夏滅項

秋夫人姜氏會齊侯于卞 九月公至自

會 冬十有二月乙亥齊侯小白卒

傳十七年春齊人為去聲徐伐英氏以報婁林

之役也

英氏國今六安州英山地時為楚與國婁林役在十五年

夏晉犬子圉為質音致於秦秦歸河東而妻去聲

之惠公之在梁也梁伯妻去聲之梁嬴孕過音戈

期卜招音韶父音甫與其子卜之其子曰將生一

男一女招曰然男為人臣女為人妾故名男曰圉女曰妾及子圉西質妾為宦女焉

河東路秦在十五年謂解梁也今歸河東則晉河外地秦受之孕過期謂過十月圉養馬者妾謂不聘

師滅項淮之會公有諸侯之事未歸而取項齊人以為討而止公

秋聲姜以公故會齊侯于卞九月公至書曰至自會猶有諸侯之事焉且諱之也

項今項城縣師非公命項北有衛項東有宋師滅之不能有其地止公者內諱言執

也卞在今泗水東

齊侯之夫人三王姬徐嬴蔡姬皆無子齊侯

好去聲內多內寵內嬖如夫人者六人長上聲衛

姬生武孟少衛姬生惠公鄭姬生孝公葛嬴

生昭公密姬生懿公宋華去聲子生公子雍公

與管仲屬音燭孝公於宋襄公以為犬音泰子雍

巫有寵於衛共音恭姬因寺人貂以薦羞於公

亦有寵公許之立武孟管仲卒五公子皆求

立冬十月乙亥齊桓公卒易牙入與寺人貂

因內寵以殺羣吏而立公子無虧孝公奔宋

十二月乙亥赴辛巳夜殯

夫人三者諸侯有三宮也長衛姬即衛共姬武孟名無虧惠公名元孝公名昭昭公名潘懿公名商人雍巫者糞人名巫即易牙十月乙亥十月八日也十二月乙亥十月九日辛巳夜十二月望夜桓公蓋薨後六十七日乃殯

經十有八年春王正月宋公曹伯衛人邾人

伐齊夏師救齊無傳諸侯非王命不得擅興師然用之於救猶有取焉急鄰難也況齊前使高子定魯而不可報之乎書以善救而伐者之惡愈見矣

五月戊寅宋師及齊師戰于廩魚免切齊師

敗績狄救齊無傳子救也苟有善雖狄必子之齊師既敗狄救無及矣

苟為善雖無功必子之勸善之心無已也秋八月丁亥葬齊桓

公冬邢人狄人伐衛

傳十八年春宋襄公以諸侯伐齊三月齊人

殺無虧

殺無虧以悅宋

鄭伯始朝于楚楚子賜之金既而悔之與之

盟曰無以鑄兵故以鑄三鐘

鄭朝楚以中國無霸也楚金利恐其鑄兵故與盟使以鑄鐘古刀劍戈矛皆用銅

齊人將立孝公不勝

平去二音

四公子之徒遂與

宋人戰夏五月宋敗齊師于甌

魚免切又音彥

立孝

公而還

時無虧已死惠公昭公懿公公于雍之徒未冝服孝公故與宋戰甌齊地在今厯城

秋八月葬齊桓公

孝公立始有喪主

冬邢人狄人伐衛圍菟

音徒

圃衛侯以國讓父

兄子弟及朝眾曰苟能治之燬

況委切

請從焉

眾不可而後師于嘗

子斯切

婁

郎句切又郎鈞切

狄師

還

菟圃衛地嘗婁城在今滑縣西南邢衛同姓邢周公後又邢前病狄遷于夷儀今同狄伐衛狄還而邢不還所以終為衛所滅

梁伯益其國而不能實也命曰新里秦取之

梁今韓城秦同姓地近秦不能實謂多築城邑而無民以實之

經十有九年春王三月宋人執滕子嬰齊

夏六月宋公曹人邾人盟于曹南

無傳曹南曹國之南

也此宋約曹邾盟也乃不地而于曹南者曹未服也迫於宋而勉從之故方出國都而盟是要盟也鄆子會盟于邾己酉邾人執鄆子用

之 秋宋人圍曹衛人伐邢 冬會陳人蔡

人楚人鄭人盟于齊 梁亾

傳 十九年春遂城而居之

承前年取新里
傳故不復言秦

宋人執滕宣公

宋襄以虐示
威將以圖霸

夏宋公使邾文公用鄆子于次睢音雖之社欲

以屬東夷司馬子魚曰古者六畜許又不相切

為用小事不用大牲而況敢用人乎祭祀以

為去聲人也民神之主也用人其誰饗之齊桓

公存三亾國以屬諸侯義士猶曰薄德今一

會而虐二國之君又用諸淫昏之鬼將以求

霸不亦難乎得死為幸

宋使邾用鄆子經直言邾用者南面之君
善惡得自專不得託之他命也宋以鄆赴

會後期故殺以祭社暴戾之甚一日即鼻
血以釁社亦為狂悖睢水入泗此水次之

社一曰次睢叢祠神名蓋東夷所事者朱
祠之以祈福子魚譏之言六畜之祀不相

為用若祭馬神則不用馬今神亦人象何
得用人齊桓存三亾國謂魯衛邢今虐二

國言執滕用鄆得死
為幸謂恐其亾國

秋衛人伐邢以報菟圃之役於是衛大旱卜有事于山川不吉甯莊子曰昔周饑克殷而年豐今邢方無道諸侯無伯天其或者欲使衛討邢乎從之師興而雨

菟圃役在十八年卜有事卜祭也

宋人圍曹討不服也子魚言於宋公曰文王聞崇德亂而伐之軍三旬而不降戶江切退脩教而復伐之因壘而降詩曰刑于寡妻至于兄弟以御如字于家邦今君德無乃猶有所闕

而以伐人若之何盍姑內省悉井切德乎無闕而後動

圍曹以六月曹南盟曹人不脩地主之禮因壘者謂再圍之不增舊壘寡妻嫡妻也御治也言由近及遠

陳穆公請脩好去聲於諸侯以無忘齊桓之德冬盟于齊脩桓公之好也

以宋襄狂而虐故思齊桓

梁亾不書其主自取之也初梁伯好去聲土功亟去聲城而弗處上聲民罷同疲而弗堪則曰某寇

將至乃溝公宮曰秦將襲我民懼而潰秦遂取梁

其主謂取梁者之主名溝宮謂塹深宮牆之溝

經二十年春新作南門夏郕子來朝無傳趙鵬

飛曰郕滅久矣隱十年公敗宋師取郕即其地郕文之昭也與魯同姓意宋滅之而魯封之乎然不見於經諸姬之存者僅矣書之蓋傷之也五月乙巳西宮災無傳西宮小寢也災則書無微而不當謹也鄭人入滑秋

齊人狄人盟于邢冬楚人伐隨

傳二十年春新作南門書不時也凡啟塞從

時

南門魯南城門本名稷門僖公更高大之後名高門月令仲春脩闔扇孟冬脩鍵閉故傳言啟塞此周之春今之十一月十二月正月非脩闔扇之時亦非土功之時

滑人叛鄭而服於衛夏鄭公子士洩堵寇帥

師入滑

滑國在今偃師公子士文公子洩堵寇鄭大夫也是年夏郕子來朝二十四年傳富辰曰郕文之昭也與隱十年鄭入郕魯取郕鼎在城武者別又西宮災諸侯三宮之一也

秋齊狄盟于邢為邢謀衛難也於是衛

方病邢

隨以漢東諸侯叛楚冬楚鬪穀於菟帥師伐隨取成而還君子曰隨之見伐不量力也量力而動其過鮮矣善敗由己而由人乎哉詩曰豈不夙夜謂行多露

引詩言早夜行畏多露沾濡喻人舉動宜量力相時

宋襄公欲合諸侯臧文仲聞之曰以欲從人則可以人從欲鮮濟

言當屈己之欲以從眾情之所在

經二十有一年春秋侵衛

無傳侵衛為邢也然適足速邢禍耳

書以責邢結外援殘同類而卒以自殘也

宋人齊人楚人盟于

鹿上夏大旱

秋宋公楚子陳侯蔡侯鄭

伯許男曹伯會于孟執宋公以伐宋冬公

伐邾

無傳楚執宋公諸夏之恥乃闕之而伐邾乎書以病公也

楚人使

宜申來獻捷

無傳楚人蓋楚子也烏乎捷捷乎宋也來獻者威魯也古者諸

侯獻四夷之捷於王王以警於夷今楚乃以捷於中國者警中國乎魯不能正辭拒楚故

捷不言宋為內諱也

十有二月癸丑公會諸侯盟于

薄釋宋公

同治八年謹遵

三傳賣下卷六倍公

上

傳二十一年春宋人爲鹿上之盟以求諸侯於楚楚人許之公子目夷曰小國爭盟禍也宋其亾乎幸而後敗

楚使人會之也鹿上宋地在今太和縣西

夏大旱公欲焚巫尪

五荒切

臧文仲曰非旱備

也脩城郭貶食省用務穡勸分此其務也巫尪何爲天欲殺之則如勿生若能爲旱焚之滋甚公從之是歲也饑而不害

巫女巫也尪人之疾子鄭康成云尪者面向天暴之則覲天哀而雨之杜預云尪瘠

病之人其面上向俗言天哀其病恐雨入其鼻故爲之旱焚殺之則天自雨臧文仲言旱當爲備在脩城郭以禦外寇且貧民聚食焉貶食省用以量入爲出務穡勸分以有無相濟則饑而不害也務穡者穡儉也謂務爲儉嗇

秋諸侯會宋公于孟子魚曰禍其在此乎君欲已甚其何以堪之於是楚執宋公以伐宋冬會于薄以釋之子魚曰禍猶未也未足以

懲直升切君

孟宋邑在今睢州薄同亳今商邱西北

任音壬宿須句

音衛顓音專

臾風姓也實司犬

音秦皞

胡老切

與有濟

上聲

之祀以服事諸夏邾人滅須

句須句子來奔因成風也成風為

去聲

之言於

公曰崇明祀保小寡周禮也蠻夷猾

音滑

夏周

禍也若封須句是崇皞濟而脩祀紓

音舒

禍也

任今濟甯宿今東平州東須句今東平州東南顛與今費縣西北皆風姓犬皞之裔成風須句女僖公母也蠻夷猾夏者昭二十三年叔孫婁亦言邾夷蓋邾國雜用夷禮

經二十有二年春公伐邾取須句 夏宋公

衛侯許男滕子伐鄭 秋八月丁未及邾人

戰于升陘音刑 冬十有一月己巳朔宋公及

楚人戰于泓宋師敗績

傳二十二年春伐邾取須句反其君焉禮也

須句魯附庸故書取傳言魯得恤寡小之禮

三月鄭伯如楚夏宋公伐鄭子魚曰所謂禍在此矣

初平王之東遷也辛有適伊川見被去聲髮而

祭於野者曰不及百年此其戎乎其禮先亾

矣秋秦晉遷陸渾平聲之戎于伊川

伊川陸渾皆周地伊水名陸渾地名杜預云在敦煌允姓之戎舊居此今遷之于伊川故移陸渾為嵩縣之山名伊洛有戎人居之今又遷陸渾之戎于此此時去初東遷已過百年而云不及百年杜預云傳舉其事驗不必其年信也辛有平王時大夫

晉犬音秦子圉為質于秦將逃歸謂嬴氏曰與

子歸乎對曰子晉犬子而辱於秦子之欲歸不亦宜乎寡君之使婢子侍執巾櫛以固子也從子而歸奔君命也不敢從亦不敢言遂

逃歸

圉晉懷公嬴氏懷嬴也

富辰言於王曰請召犬音秦叔詩曰協比去聲其

鄰昏姻孔云吾兄弟之不協焉音薦能怨諸侯

之不睦王說音悅王子帶自齊復歸于京師王

召之也

犬叔帶也先奔齊富辰周大夫引詩言治合鄰近則昏姻甚相歸附孔甚也云旋也王果召帶後年王室亂

邾人以須句故出師公卑邾不設備而禦之

臧文仲曰國無小不可易音異也無備雖眾不

可恃也詩曰戰戰兢兢如臨深淵如履薄冰

又曰敬之敬之天維顯思命不易哉先王之明德猶無不難也無不懼也況我小國乎君

其無謂邾小蠶同蜂蠱勅邁切有毒而況國乎弗

聽八月丁未公及邾師戰于升陘我師敗績

邾人獲公胄縣同懸諸魚門

升陘魯地魚門邾城門胄兜鍪也天維顯思命不易哉顯明也思辭也不易難也言敬則受命其理甚明

楚人伐宋以救鄭宋公將戰大司馬固諫曰

天之弃商久矣君將興之弗可句赦也已弗

聽

大司馬固莊公之孫公孫固也言君興天所棄必不可不如赦楚勿與戰

冬十一月己巳朔宋公及楚人戰于泓宋人

既成列楚人未既濟司馬曰彼眾我寡及其

未既濟也請擊之公曰不可既濟而未成列

又以告公曰未可既陳去聲而後擊之宋師敗

績公傷股門官殲音尖焉國人皆咎公公曰君

子不重去聲傷不禽二毛古之為軍也不以阻

隘也寡人雖亾國之餘不鼓不成列子魚曰

同治八年謹遵

三專賣衣卷六倍公

古

遠說文飛蟲蟻人也而前雅之未遠今謂之天黃遠有子古上謂之范以為食若上遠說文云細腰即腰純惟爾惟上遠說文謂即馬遠說云亦有子者誤萬說文書也象形字本作萬亦作萬其上象其頭身之形非皆之也宋公萬尤誤詩小雅委發如雲鄭箋莫莫然也尾未健然似婦髮末也通作文實有尾謂之獸

天司馬固諫曰君將興之弗可赦也已猶言弗可道當從願也說

司馬即上大司馬也其大鶴鄭以史記宋世家載此戰前後皆子魚之言

胡本訓牛領也詩胡考也傳胡考也儀禮胡福鄭注胡也考說文其人面棟黎若若也而雅釋詁為失也孫廷法也面棟黎有字據其人壽也釋表九十月胡為言胡也難胡也則如猶言不如也古人語有緩急二致急言則如即則不如之謂

君未知戰，勅其京切敵之人，隘而不列，天贊我

也。阻而鼓之，不亦可乎？猶有懼焉。且今之勅

者，皆吾敵也。雖及胡者，苟音獲則取之，何有於

二毛？明恥教戰，求殺敵也。傷未及死，如何勿

重？若愛重傷，則如勿傷；愛其二毛，則如服焉。

三軍以利用也，金鼓以聲氣也。利而用之，阻

隘可也。聲盛致志，鼓儼音可也。

泓水名，在今柘城縣北。宋伐鄭，楚救之。司馬子魚也。請俟楚半渡而擊之。及既濟，則請及其未成列而擊之，皆弗聽。軍敗，公傷門官盡死。子魚言敵勁而阻于隘，及未成

羊本訓羊鳴也家羊口氣出

旅猶臚也謂臚列之也

列乃天贊我，因阻擊之，猶恐不勝。儼，謂儼也。襄公暴賊小國，而偽言似道，進退無據。

丙子晨，鄭文夫人半彌爾切氏姜氏勞，楚子

於柯音哥澤，楚子使師緝示之俘馘古獲切。君子

曰：非禮也。婦人送迎，不出門，見兄弟，不踰閭。

戎事不邇女器。丁丑，楚子入饗于鄭，九獻。庭

實旅百，加籩豆六品。饗畢，夜出，文半送于軍。

取鄭二姬以歸。叔詹曰：楚王其不沒乎？為禮

卒於無別，無別不可謂禮。將何以沒？諸侯是

以知其不遂霸也

丙子十二月八日楚救鄭故文公夫人勞之柯澤鄭地師緝樂師蓋以軍樂導俘馘示鄭也鄭文半楚成王姊妹傳交譏之禮主人獻賓酢主人酬乃為一獻九獻上公之禮庭實所旅陳者百又食物六品為加籩加豆言備禮取鄭二姬文半女也不遂霸謂終敗于城濮

經二十有三年春齊侯伐宋圍緡音昏夏五

月庚寅宋公茲父音甫卒秋楚人伐陳冬

十有一月杞子卒

傳二十三年春齊侯伐宋圍緡以討其不與

預音盟于齊也

十九年盟于齊以無忘桓公之德宋人不與緡宋邑在今金鄉縣東北

夏五月宋襄公卒傷于泓故也

秋楚成得臣帥師伐陳討其貳於宋也遂取

焦夷城頓而還子文以為之功使為令尹叔

伯曰子若國何對曰吾以靖國也夫有大功

而無貴仕其人能靖者與同有幾上聲

焦夷二邑皆在今亳州夷入楚為城父頓國今商水縣成得臣子玉也叔伯楚大夫遠呂臣也子玉為令尹則子文老叔伯憂子玉不勝令尹之任

同治八年謹遵

三專讀本卷六 僖公

六

九月，晉惠公卒，懷公命無從去聲，亾人期如期

音基而不至，無赦。狐突之子毛及偃從重耳在

秦，弗召。冬，懷公執狐突曰：「子來則免。」對曰：「子

之能仕，父教之忠，古之制也。策名委質同貳

乃辟音璧也。今臣之子名在重耳，有年數矣。若

又召之，教之貳也。父教子貳，何以事君？刑之

不濫，君之明也。臣之願也。淫刑以逞，誰則無

罪？臣聞命矣。乃殺之。卜偃稱疾不出。曰：「周書

有之：乃大明服，己則不明而殺人以逞，不亦

難乎？民不見德而唯戮，是聞其何後之有。

策名：謂名書于所臣之策。委質：謂拜屈膝委身體于地，以進贄。辟：法也。於法為有罪。周書：乃大明服。言君大明則民服。

十一月，杞成公卒，書曰：「子杞夷也。」不書名，未

同盟也。凡諸侯同盟，死則赴以名，禮也。赴以

名則亦書之，不然則否。辟同不敏也。

杞先稱侯。莊二十七年稱伯，此稱子，其國自即夷，用夷禮也。避不敏者，敏，審也。謂雖同盟而赴不以名，則亦不書名，以審違謬也。

晉公子重耳之及於難去聲也，晉人伐諸蒲城。

質即贄字。下無贄字，惟執字及質為之。委質即獻贄，臣初見君之禮也。杜解為委身體于地，其義迂。

蒲城人欲戰重耳不可曰保君父之命而享

其生祿於是乎得人有人而校音教罪莫大焉

吾其奔也遂奔狄從去聲者狐偃趙衰音崔顛頡

戶結切魏武子司空季子狄人伐麇音牆咎音臯如

獲其二女叔隗五罪切季隗納諸公子公子取

季隗生伯儵直由切叔劉以叔隗妻去聲趙衰生

盾徒本切將適齊謂季隗曰待我二十五年不

來而後嫁對曰我二十五年矣又如是而嫁

則就木焉請待子處狄十二年而行適衛衛

文公不禮焉出於五鹿乞食於野人野人與

之塊公子怒欲鞭之子犯曰天賜也稽首受

而載之及齊齊桓公妻去聲之有馬二十乘去聲

公子安之從者以為不可將行謀於桑下蠶

妾在其上以告姜氏姜氏殺之而謂公子曰

子有四方之志其聞之者吾殺之矣公子曰

無之姜曰行也懷與安實敗名公子不可姜

與子犯謀醉而遣之醒以戈逐子犯及曹曹

共音恭公聞其駢薄賢切脅許業切欲觀其裸力果切

同治八年謹遵

三專賣本卷六 僖公

七

駢音程之曰謂魯魯兩

兩相逐也此因駢字而訓也

然人之脅骨即肋骨也亦謂之腋其骨皆左右相對程說非是駢本作駢國語作駢骨葉法駢并駢也說文駢骨并駢也引骨文公駢骨康雅餘謂之肋并駢者謂其肋骨連后不似常人鱗治相此故異而觀之也駢是駢之借字

浴薄而觀之僖負羈之妻曰吾觀晉公子之從者皆足以相去聲國若以相夫子必反其國反其國必得志於諸侯得志於諸侯而誅無禮曹其首也子盍蚤自貳焉乃饋盤飧音賓孫置璧焉公子受飧反璧及宋宋襄公贈之以馬二十乘及鄭鄭文公亦不禮焉叔詹諫曰臣聞天之所啟人弗及也晉公子有三焉天其或者將建諸君其禮焉男女同姓其生不蕃晉公子姬出也而至于今一也離外之患

而天不靖晉國殆將啟之二也有三士足以上人而從之三也晉鄭同儕其過子弟固將禮焉況天之所啟乎弗聽及楚楚子饗之曰公子若反晉國則何以報不穀對曰子女玉帛則君有之羽毛齒革則君地生焉其波及晉國者君之餘也其何以報君曰雖然何以報我對曰若以君之靈得反晉國晉楚治兵遇於中原其辟同君三舍若不獲命其左執鞭弭莫爾切右屬橐鞬以與君周旋子玉請殺

駢詩毛傳弓反未也弓反未若謂弓之未反處古以

區說文云似義冠稱中有道可以注水而義冠者對義之科今謂之義冠此秦伯以文嬴妻公孫以懷言賦為媵儀禮上昏禮夫婦即席有媵御沃盥交之禮媵者婦之從者也御者夫之從者也

之楚子曰晉公子廣而儉文而有禮其從者肅而寬忠而能力晉侯無親外內惡之吾聞姬姓唐叔之後其後衰者也其將由晉公子乎天將興之誰能廢之違天必有大咎乃送諸秦秦伯納女五人懷嬴與焉奉匭沃盥古緩切既而揮之怒曰秦晉匹也何以卑我公子懼降服而囚他日公享之子犯曰吾不如衰之文也請使衰從去聲公子賦河水公賦六月趙衰曰重耳拜賜公子降拜稽首公降

一級而辭焉衰曰君稱所以佐天子者命重耳重耳敢不拜

從文公重耳者狐偃子犯狐毛趙衰子餘顛頡賈佗魏武子驥司空季子胥臣曰季晉語言公子父事狐偃師事趙衰長事賈佗傳不數狐毛賈佗但數五人以從最顯僖五年奔狄時狄得赤狄別種隗姓屠咎如二女公子納季隗生二子僖十六年乃如齊道出今開州五鹿衛地乞食得土塊狐偃言天賜蓋以安從者之意至齊有妻室畜馬八十欲遂居齊從者謀劫公子行齊姜恐事泄殺聞者而勸公子行不可則醉遣之公子醒以戈逐子犯晉語云懼無所濟也曹君聞重耳之曾脅幹合俟其裸而觀之故於其浴也薄迫視之國語謂薄為簾也僖負羈妻勸其夫早自貳異於

眾。殽。說文云。舖也。寘璧殽中。不欲人見也。
 朱襄贈馬。蓋不畏晉惠。曹鄭小國畏晉惠。
 故鄭亦不敢禮晉公子。叔詹言重耳父母
 同姓。而至今不死。即是天啟其人。況晉國
 至今未定。其從亾。又人傑。是有三事可徵。
 楚子亦意欲納之。弭爾雅云。弓無緣者。屬
 著也。橐受箭器。鞬弓衣也。後衰如言後凋。
 言即衰亦在他人之後。送諸秦。以秦近晉。
 秦女五人。文嬴其一。子圉妻懷嬴。亦與焉。
 匱。說文云。似羹魁。柄中有道。可以注水。盥
 澡手也。懷嬴奉匱。注水。公子手中。而公子
 揮。瀚溼。懷嬴衣。故怒。公子降服。而囚。以謝
 懷嬴。晉語云。公子歸女。而納幣。且逆。蓋復
 以禮聘之。河水。逸詩。取朝宗于海。義取朝
 秦。六月。小雅詩。言吉甫佐宣王征
 伐。匡王國。喻公子能得國匡王。

經二十有四年春王正月 夏狄伐鄭 秋

七月 冬天王出居于鄭 晉侯夷吾卒

傳二十四年春王正月秦伯納之不書不告

入也及河子犯以璧授公子曰臣負羈縶息列

切從君巡於天下臣之罪甚多矣臣猶知之

而況君乎請由此亾公子曰所不與舅氏同

心者有如白水投其璧于河濟河圍令狐入

桑泉取曰衰音崔二月甲午晉師軍于廬柳秦

伯使公子繫如晉師師退軍于郇辛丑狐偃

及秦晉之大夫盟于郇壬寅公子入于晉師

丙午入于曲沃丁未朝于武宮戊申使殺懷

公于高梁不書亦不告也呂卻畏偪同將焚

公宮而弑晉侯寺人披請見音現公使讓之且

辭焉曰蒲城之役君命一宿女同即至其後

余從狄君以田渭濱女為去聲惠公來求殺余

命女三宿女中同宿至雖有君命何其速也

夫祛猶在女其行乎對曰臣謂君之入也其

知之矣若猶未也又將及難去聲君命無二古

之制也除君之惡惟力是視蒲人狄人余何

有焉今君即位其無蒲狄乎齊桓公置射鉤

而使管仲相君若易音亦之何辱命焉行者甚

眾豈唯刑臣公見之以難去聲告三月晉侯潛

會秦伯于王城己丑晦公宮火瑕甥卻芮不

獲公乃如河上秦伯誘而殺之晉侯逆夫人

嬴氏以歸秦伯送衛于晉三千人實紀綱之

僕初晉侯之豎頭須守藏去聲者也其出也竊

藏以逃盡用以求納之及入求見公辭焉以

沐謂僕人曰沐則心覆心覆則圖反宜吾不

得見也。居者為社稷之守，行者為羈縻之僕。其亦可也。何必罪居者國君而讎匹夫懼者甚眾矣。僕人以告，公遽見之。

秦納重耳為文公，羈馬絡頭，縋也。今狐在河東，今猗氏地。桑泉，今臨晉東。曰衰，今解州西北。廬柳，今猗氏西北。郇，今臨晉東北。時懷公奔高梁，今臨汾縣東也。晉文入國不告，殺懷公亦不告。至冬，國定，乃出告夷吾卒。呂甥、卻芮、惠公舊臣，懼為文公君臣所害，故謀亂，偏害也。夫祛猶在，言彼時所斬之祛，今應尚在。寺人披言齊桓公置管仲射鉤之怨，知各為其主也。君若反齊，桓所為則已將自去，不須辱君命。文公見之，因以呂卻難告，而公潛出至秦地。會秦伯于今朝邑縣西之王城。呂卻不知既出。

焚宮而不獲公，乃走河上。秦誘殺之。秦送衛士三千，以新有呂卻之難，國未輯睦，故以兵衛諸門戶。僕隸之事，皆秦卒共之。為之紀綱。韓非子云：穆公以疇騎二千輔重耳，是也。頭須者，史記作里，鳧須，豎未冠者之稱。藏謂貲財。韓詩外傳云：文公過曹里，鳧須盜貲而亡，遂絕糧，餒不能行。介子推乃割股也。傳言盡用此藏以求納。文公蓋先逃歸，故自稱居者。沐則心覆者，韋昭云：人沐則低頭，心反覆也。

狄人歸季隗于晉，而請其二子。文公妻趙

去聲

衰，生原同屏，括樓嬰，趙姬請逆盾與其母子

餘辭。姬曰：得寵而忘舊，何以使人？必逆之，固

請許之。來以盾為才，固請于公，以為嫡子，而

使其三子下

去聲

之以叔隗為內子而已下之

二子季隗子伯僚叔劉也不知所終趙衰未逆叔隗文公以女妻趙衰既生三子曰同曰括曰嬰後食原屏樓三邑趙姬他日請逆叔隗及子盾歸以為嫡也

晉侯賞從

去聲

亾者介之推不言祿祿亦弗及

推曰獻公之子九人唯君在矣惠懷無親外內奔之天未絕晉必將有主主晉祀者非君而誰天實置之而二三子以為己力不亦誣乎竊人之財謂之盜況貪天之功以為己力乎下義其罪上賞其姦上下相蒙難與處

且出怨言杜注仍指上相蒙二語非也此且出怨言四字是左氏謂之推事出怨言云從此不食其食也怨言者怨推在者之自以為功非怨也

之推以隱而求更記亦謂被焚於後出諸子附會之辭不近情理蓋周秦間人喜造此偏激譎怪之事不互為據

矣其母曰盍亦求之以死誰懟對曰尤而效之罪又甚焉且出怨言不食其食其母曰亦使知之若何對曰言身之文也身將隱焉音薦用文之是求顯也其母曰能如是乎與女同汝偕隱遂隱而死晉侯求之不獲以緜上為之田曰以志吾過且旌善人

緜上在今沁源縣北志過謂先祿不及也求之不獲書記言燒山求之而之推死今傳言不獲則左氏所記與他書不同不實言其死但不知所在耳以緜上為之田謂名其地為介田故曰志曰旌

同治八年謹遵

左傳卷之六 僖公

三

鄭之入滑也滑人聽命師還又即衛鄭公子
 士洩堵俞彌帥師伐滑王使伯服游孫伯如
 鄭請滑鄭伯怨惠王之入而不與厲公爵也
 又怨襄王之與衛滑也故不聽王命而執二
 子王怒將以狄伐鄭富辰諫曰不可臣聞之
 犬音泰上以德撫民其次親親以相及也昔周
 公弔二叔之不成故封建親戚以蕃屏周管
 蔡邲霍魯衛毛聃乃甘切郟去聲曹滕畢原豐
 郇音荀文之昭也邠音子晉應韓武之穆也凡

鄂今俗作鄂不即鄂字
 鄭康成讀作樹今作附
 亦作陟皆係出字

蔣邢茅胙

才故切

祭

音寮

周公之脗也召

音邵

穆公

思周德之不類故糾

音九

合宗族于成周而作

詩曰常棣之華鄂

五各切

不

音孚

一音

韡韡

音偉

凡今之人莫如兄弟其四章曰兄弟鬩

許歷切

于牆外禦其侮如是則兄弟雖有小忿不廢

懿親今天子不忍小忿以弃鄭親其若之何

庸勳親親暱近尊賢德之大者也即聳從昧

與頑用噉

音銀

姦之大者也弃德崇姦禍之大

者也鄭有平惠之勲又有厲宣之親弃嬖寵

而用三良於諸姬為近四德具矣耳不聽五
 聲之和為聾目不別五色之章為昧心不則
 德義之經為頑口不道忠信之言為嚚狄皆
 則之四姦具矣周之有懿德也猶曰莫如兄
 弟故封建之其懷柔天下也猶懼有外侮扞
 禦侮者莫如親親故以親屏周召穆公亦云
 今周德既衰於是乎又渝周召以從諸姦無
 乃不可乎民未忘禍王又興之其若文武何
 王弗聽使積叔桃子出狄師

淋說文河之北謂有白淋
 心林聲廣合切方音淋
 濼也陳楚曰淋廣韻以發
 淋為同家說至女部別有
 婁字

精說文本作聲廢也一
 偏下也一即一从聲白鼻也
 聲一作聲心注曰聲一作
 精也精音辛進也所臻切以
 二先者爭先進進之意精
 與精皆果精音也精音白
 之聲切潛諧皆以之精說
 也从三先子林切水部片
 精字象形

夏狄伐鄭取櫟王德狄人將以其女為后富
 辰諫曰不可臣聞之曰報者倦矣施者未厭
 平去二聲狄固貪淋力南切王又啟之女德無極婦
 怨無終狄必為患王又弗聽初甘昭公有寵
 於惠后惠后将立之未及而卒昭公奔齊王
 復之又通於隗五罪切氏王替隗氏積叔桃子
 曰我實使狄狄其怨我遂奉大音泰叔以狄師
 攻王王御士將禦之王曰先后其謂我何寧
 使諸侯圖之王遂出及坎欲大感切國人納之

秋積叔桃子奉大叔以狄師伐周大敗周師

獲周公忌父音甫原伯毛伯富辰王出適鄭處

于汜從已音凡大叔以隗氏居于溫

洩堵俞彌二十年洩堵寇之族惠王不與
爵事見莊二十一年犬上以德撫民謂德
能徧及其次則由親以及遠弔二叔之不
咸咸同也詩序云閔管蔡之失道二叔管
蔡也不咸失道也鄭眾賈逵亦言二叔管
蔡唯馬融以為二叔夏殷叔世而杜預從
之管蔡以下二十六國管今鄭州蔡今上
蔡新蔡邲今汝上西北霍今霍州毛今宜
陽聘今荆門州東南邲今城武東南雍今
脩武西畢今咸陽北原今濟源西北豐今
鄂縣東郟今臨晉東北邶今河內西北應
今魯山東南韓今韓城東南或云在今固

安凡今輝縣西南蔣今固始西北邢今邢
臺西南茅今金鄉西北胙今胙城縣祭今
鄭州東北其魯衛曹滕晉列國也常棣之
詩召穆公虎推周公意作之召虎召公奭
後食邑于召今鳳翔地亦姬姓常棣之華
鄂不韡韡者常棣也子似櫻桃可食鄂
承華者鄭康成云不當作柎鄂足也言鄂
與柎得華之光明韡韡然喻兄弟恩義之
顯王肅為之說云不韡韡言韡韡也而杜
預從之闕于牆者爾雅云闕很也孫炎云
相很戾謂兄弟有時相很戾而外捍異族
侵侮則出自天然天性故懿親終不可弃伐
鄭為弃德用狄為崇姦是變周召親親之
道以興禍也積叔桃子周二大夫取櫟今
禹州地甘昭公即王子帶也食邑于甘今
洛陽西南奔齊在十二年王復之在二十
二年王立隗氏帶通隗氏俱此年夏秋事
帶為王弟故稱大叔御士王左右王言自

同治八年謹遵

三專賣本卷六 僖公

三

殺犬叔則傷先后心侯諸侯圖之出至今
鞏縣東南之坎飲而周人復納王為犬叔
所敗王出依鄭而帶以王替廢之隗后處
于溫今溫縣也蓋帶亦不敢居京師王居
汜鄭南汜也今襄城縣南
地其東汜則在中牟縣南

鄭子華之弟子臧出奔宋好去聲聚鵠尹橘切冠

鄭伯聞而惡之去聲使盜誘之八月盜殺之于

陳宋之閒君子曰服之不衷身之災也詩曰

彼己音記之子不稱去聲其服子臧之服不稱也

夫詩曰自詒伊感其子臧之謂矣夏書曰地

平天成稱也

冠者續漢書與服志
引記曰知天者冠述祀地
若履約春味左傳曰鄭子
叔好鵠冠前圓以為此
則是也鵠與述同音通用
以為此則於謂漢之連華
冠即鵠冠也好聚鵠
冠者蓋喜聚道術之士
故鄭伯惡之

子臧世子華之母弟子華以罪死故臧奔
宋鵠冠者爾雅云翠鵠樊光云青羽郭璞
云似燕組色說文云知天將雨鳥也知天
文者冠鵠子臧蓋喜奇異君子引詩惜其
不衷不稱引書之意言能求其
稱則大小事無不宜推廣言之

宋及楚平宋成公如楚還入于鄭鄭伯將享

之問禮於皇武子對曰宋先代之後也於周

為客天子有事膺同籒符袁切焉有喪拜焉豐厚

可也鄭伯從之享宋公有加禮也

宋成公襄公子王臣也皇武子鄭卿膺焉
謂賜祭胙拜焉以為客享之有加謂加厚

于常禮

冬王使來告難去聲曰不穀不德得罪于母弟

當作母氏之寵子帶鄙在鄭地汜敢告叔父臧文

仲對曰天子蒙塵于外敢不奔問官守去聲王

使簡師父音甫告于晉使左鄙父音甫告于秦天

子無出書曰天王出居于鄭辟音避母弟之難

也天子凶服降名禮也

鄭伯與孔將鉏仕居切石甲父音甫侯宣多省悉井

切視官具于汜而後聽其私政禮也

鄙在謂野處省視官具謂省視官司器用言鄭得懿親侯服之禮

衛人將伐邢禮至曰不得其守去聲國不可得

也我請昆弟仕焉乃往得仕

禮至衛臣得其守謂能致其守國之正卿

經二十有五年春王正月丙午衛侯燬滅邢

夏四月癸酉衛侯燬卒無傳文公再造衛

模遠矣齊桓之伯無役不從晚從宋襄伐齊伐鄭已又滅邢毫而荒矣宋蕩

伯姬來逆婦無傳蕩伯姬魯女而歸蕩氏者

之也亦非禮也宋殺其大夫無傳罪專殺也秋

楚人圍陳納頓子于頓葬衛文公無傳冬

十有二月癸亥公會衛子莒慶盟于洮

音叨

傳二十五年春衛人伐邢二禮從國子巡城

掖以赴外殺之正月丙午衛侯燬滅邢同姓

也故名禮至為銘曰余掖音亦殺國子莫余敢

止

二禮禮至兄弟掖持臂也國子為邢正卿
二禮持其臂而投之城外衛邢同姓滅同

姓則諸侯生名之禮至詐仕
悖義而自銘之無恥之甚

秦伯師于河上將納王狐偃言於晉侯曰求

諸侯莫如勤王諸侯信之且大義也繼文之

業而信宣於諸侯今為可矣使卜偃卜之曰

吉遇黃帝戰于阪泉之兆公曰吾不堪也對

曰周禮未改今之王古之帝也公曰筮之筮

之遇大有三三之睽三三曰吉遇公用享于

天子之卦戰克而王饗吉孰大焉且是卦也

天為澤以當日天子降心以逆公不亦可乎

大有去睽而復亦其所也晉侯辭秦師而下

三月甲辰次于陽樊右師圍溫左師逆王夏

四月丁巳王入于王城取大叔于溫殺之于

隰城戊午晉侯朝王王饗醴命之宥同請隧

音遂弗許曰王章也未有代德而有二王亦叔

父之所惡去聲也與之陽樊溫原欒才官切茅之

田晉於是始啟南陽陽樊不服圍之倉葛呼

去聲曰德以柔中國刑以威四夷宜吾不敢服

也此誰非王之親姻其俘之也乃出其民

王使簡師父告晉左鄆父告秦故秦晉同

興師狐偃說文公繼文侯之業卜得兆與

黃帝戰于阪泉兆同卜偃言周王自當帝

兆納王者吉文公又筮之得大有九三公

用享于天子是戰克而王享內卦乾之兌

是天為澤上當離且則天子降心相從即

去睽卦還論大有亦以乾尊而下於離皆

王享晉侯之象晉侯乃辭秦師而自納王

順河東下一師圍叔帶于溫一師迎王于

汜殺叔帶于隰城今懷縣西南也王享晉

侯設醴酒以幣勸侑謂備禮請隧者晉侯

欲得王葬禮諸侯懸柩下葬王禮闕隧

下棺也陽樊今濟源東南服虔云陽城樊

仲山甫所居故曰陽樊溫今溫縣原濟源

西北欒茅脩武西北皆在山之南河之北

故曰啟南陽倉葛陽樊人言陽樊不服不

當以刑威之晉乃出其民但取其地而已

秋秦晉伐郟音若楚鬪克屈禦寇以申息之師

戍商密秦人過音若析隈鳥同切入而係音計輿人

以圍商密昏而傅音附焉宵坎血加書偽與子

同治八年謹遵

二尊寶

三

儀子邊盟者商密人懼曰秦取析矣戍人反

矣乃降戶江切秦師秦師囚申公子儀息公子

邊以歸楚令尹子玉追秦師弗及遂圍陳納

頓子于頓

郡國在今內鄉縣西南即商密也界于秦楚後遷于今宜城縣西南析在今內鄉縣西秦晉伐都將至商密楚人戍之屯兵于析鬪克即申公子儀屈禦寇即息公子邊秦兵過楚戍析城時于隈隱處入而自縛輿人偽若得析俘者昏附于商密夜則掘地為坎埋血加盟書偽若與析人盟者于是商密人謂秦已取析戍人皆反商密遂降而析亦破乃囚子儀子邊以歸楚不及救都乃納頓子頓今商水縣頓子時為陳

所迫出奔在楚故楚人圍陳而納之

冬晉侯圍原命三日之糧原不降命去之謀

出曰原將降矣軍吏曰請待之公曰信國

之寶也民之所庇也得原失信何以庇之所

亾滋多退一舍而原降遷原伯貫于冀趙衰

為原大夫狐溱為溫大夫

伯貫周守原大夫也狐溱狐毛之子

衛人平莒于我十二月盟于洮脩衛文公之

好去聲且及莒平也

莒以元年之敗與魯不平衛文公欲平之未及而卒成公追成父志自降其名故經書衛于洮曹地在今濮州西南三十一年入于魯

晉侯問原守於寺人勃鞞丁兮切對曰昔趙衰

以壺飧音孫從去聲徑餒而弗食故使處原

徑行也傳言晉錄大功仍簡小善應在圍原文後中隔盟洮事參錯記之

經二十有六年春王正月己未公會莒子衛

甯速盟于向齊人侵我西鄙公追齊師至

鄙音攜弗及夏齊人伐我北鄙衛人伐齊

公子遂如楚乞師秋楚人滅夔以夔子

歸冬楚人伐宋圍緡公以楚師伐齊取穀

公至自伐齊無傳不義而反以為功告至策勳危之也受德於楚結怨

於齊楚將責報無已齊亦將報怨無已向非晉文之伯魯其危哉

傳二十六年春王正月公會莒茲平公甯莊

子盟于向尋洮之盟也

莒茲平公時莒君之號莒無諡以號為稱向在莒州南

齊師侵我西鄙討是二盟也

夏齊孝公伐我北鄙衛人伐齊洮之盟故也

公使展喜犒苦報切師使受命于展禽齊侯未

入竟展喜從之曰寡君聞君親舉玉趾將辱

於敝邑使下臣犒執事齊侯曰魯人恐乎對

曰小人恐矣君子則否齊侯曰室如亦作縣

同懸罄亦作磬野無青草何恃而不恐對曰恃先

王之命昔周公犬音秦公股肱周室夾輔成王

成王勞去聲之而賜之盟曰世世子孫無相害

也載在盟府犬音秦師職之桓公是以糾合諸

侯而謀其不協彌縫其闕而匡救其災昭舊

職也及君即位諸侯之望曰其率桓之功我

縣罄者古罄曲懸作丁形
枝曲身謂之罄折國語
遠家琴琴者玉聲也
陸蒼病不能俯惟仰面
故使數罄而擊之也室
如縣罄言室中無一物惟
見梁柱椽棟存也梁椽
柱直椽橫棟直如縣
罄形

敝邑用不敢保聚曰豈其嗣世九年而奔命
廢職其若先君何君必不然恃此以不恐齊
侯乃還

如而也室而懸罄言家室空盡野無青草
言周四月野物未成服虔云言室屋皆發
撤椽椽在如懸罄不
敢保聚謂無詐無虞

東門襄仲臧文仲如楚乞師臧孫見子玉而

道音導之伐齊宋以其不臣也

襄仲公子遂也居東門故以為氏
言齊宋不臣事王室可以罪責之

夔子不祀祝融與鬻熊楚人讓之對曰我先

王熊摯有疾，鬼神弗救，而自竄于夔。吾是以失楚，又何祀焉？秋，楚成得臣鬪，宜申帥師滅夔，以夔子歸。

鄭語孔晁注云：熊摯，元孫曰熊摯，有疾。楚人廢之，立其弟熊延。熊摯自弃于夔，子孫有功，王命之為夔子。祝融鬻熊，楚之遠祖，成得臣，子玉也。鬪，宜申，子西也。

宋以其善於晉侯也，叛楚，即晉。冬，楚令尹子玉司馬子西帥師伐宋，圍緡。公以楚師伐齊，取穀。凡師能左右之曰以。寘桓公子雍於穀，易牙奉之以為魯援。楚申公叔侯戍之。桓公

之子七人，為七大夫於楚。

緡，今金鄉地。穀，今東阿地。宋善晉侯，謂襄公贈馬為魯援，謂使雍與易牙逼齊，以紓魯患。申公叔侯，即申叔也。


欽定春秋左傳讀本卷六

同治八年謹遵

三專賣本卷六、倍公

三





卷之二